



ԱՐԵՒՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ
NATIONAL SUPREME COUNCIL OF THE ARMENIANS OF WESTERN ARMENIA
НАЦИОНАЛЬНЫЙ ВЕРХОВНЫЙ СОВЕТ АРМЯН ЗАПАДНОЙ АРМЕНИИ
المجلس الوطني الأعلى لأرمن أرمينيا الغربية

ՀԱՂՈՐԴԱԳՐՈՒԹԻՒՆ

Յարգարժան հայրենակիցներ,

Սոյն Հաղորդագրութեան ներքոյ ստորագրեալներս, այսօր՝ 2020 թուականի Ապրիլ 30-ին՝ պաշտօնապէս կը յայտարարենք, ԱՐԵՒՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի հիմնադրումը:

19 Յունուար 1920-ին միջազգային ճանաչում ստացած ՀԱՅԱՍՏԱՆ ՊԵՏՈՒԹԻՒՆ-ը փաստացի եւ անբեկանելի կատարուած իրողութիւն է, զոր կեանքի կոչելն ու զայն որպէս իրաւականօրէն շարունակուող պետութիւն վերականգնելը իւրաքանչիւր հայի պարտականութիւնն է:

2020 թուականը գրաւեալ Արեւմտեան Հայաստանի (Հայաստան Պետութեան) միջազգային ճանաչումով օժտուած շարք մը իրաւունքներու 100 ամեակի տարին է, նաեւ այդ իրաւունքները կեանքի կոչելու եւ իրականացնելու գործընթացին մեկնարկ տալու տարին է:

Աշխարհաքաղաքական եւ միջազգային գետնի վրայ տեղի ունեցող պատմական անցուդարձները ոսկեայ առիթ կը հանդիսանան մեր ազգային իրաւունքները իրականացնելու ճանապարհին, եթէ մենք զայն օգտագործենք ազգային եւ քաղաքական բարձր գիտակցութեամբ, եւ օրինական ու միջազգային օրէնքի կողմէ ընդունուած աշխատելակերպով:

Միջազգային ատեաններուն հետ գործակցութեան մտնելու համար, Արեւմտահայութիւնը կարիքն ունի հանդէս գալու միջազգային համապատասխան օրենքին ենթակայ (sujet) կարգավիճակով, որ պէտք է վայելէ ՄԻԱԿ ԵՒ ԼԻԱԶՕԻՐ ԸՂԼԱՒՈՒ հանգամանքը:

Մեկնելով վերոնշեալ իրողութենէն, ներկայ հանգրուանին՝ ԱՐԵՒՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի միակ առաքելութիւնը պիտի ըլլայ, 2020-ի ընթացքին ստեղծել Աշխարհասփիւռ Արեւմտահայութեան ներկայացուցչական միակ եւ լիազօր մարմինը՝ օրինական եւ միջազգային չափանիշներով կազմակերպուած համահայկական ընտրութիւններու միջոցով:



Ընտրական օրէնքի մշակման նպատակով տեղի պիտի ունենան լայնածաւալ խորհրդակցութիւններ ազգային, քաղաքական, հայրենակցական, հոգեւոր,

մասնագիտական եւ այլ հայկական կազմակերպութիւններու, միութիւններու եւ հիմնարկներու հետ: Նաեւ օրինակներ վերցնելով այլ ժողովուրդներու փորձառութիւնները, որոնք յաջողած են նման ներկայացուցչական մարմին մը ստեղծել եւ ընդունուած են միջազգային ընտանիքին կողմէ:

Արեւմտահայութեան ազգային միակ եւ լիազօր ընտրուած մարմինը կը դառնայ միակ իրաւասու մարմինը, որ կրնայ խօսիլ եւ հանդէս գալ Արեւմտահայութեան անունով, նաեւ կառուցել եւ վերահսկել Արեւմտան Հայաստանի պետականութիւնն ու պետական կառոյցը, ըստ գրաւեալ հայրենիքի ազատագրման քաղաքական գործընթացի զարգացման եւ անհրաժեշտութեան:

Այս ձեւով է միայն, որ 19 Յունուար 1920-ին միջազգային ճանաչում ստացած Հայաստան Պետութեան իրաւականօրէն շարունակող պետութիւնը կը դառնայ օրինական եւ հաւաքական կամքի ճշմարիտ ներկայացուցիչը, եւ միւս կողմէ՝ ընդունելի միջազգային ատեաններուն դիմաց:

Սոյն խորհուրդին կրնան միանալ անխտիր բոլոր ազնիւ, անկեղծ եւ պատասխանատութիւն ստանցնելու պատրաստակամ արեւմտահայերը:

Յարգանք,

**ԱՐԵՒՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի
հիմնադիրներ**

Գառնիկ Վահագնի Սարգիսեան (Սուրիա)	Վահրամ Քէօշկերեան (Գանատա)
Մովսէս Նաճարեան (Սուրիա)	Էլի Ավագիմեան (Սուրիա)
Կարօ Արմէնեան (ԱՄՆ)	Ատրինէ Ավագեան (Հայաստան)
Վիգէն Թոսունեան (Լիբանան)	Կայանէ Ավագեան (Հայաստան)
Ռոպէր Սիւլահեան (Սուրիա)	Արաքել Սուվալեան (Սուրիա)
Վաչէ Ակոբեան (Լիբանան)	Սամվէլ Կուցանեան (Հայաստան)
Հրանթ Քէօշկերեան (Գանատա)	Ժաք Սահակեան (Պուլկարիա)
Վազգէն Սիւլեան (Լիբանան)	Սաթենիկ Արզարեան (Եգիպտոս)
Յակոբ Քէօշկերեան (Լիբանան)	Արա Աշճեան (Իրաք)
Եւ այլեր...	